

近代中国船政

大事编年与资料选编

第九册

刘传标 编纂



九州出版社 | 全国百佳图书出版单位

近代中国船政

大事编年与资料选编

第九册

刘传标 编纂



光緒十七十八十九等三年扣平銀數列入二

十一年分收款作正開銷片

再查部章內開如將扣平銀數仍行列入收款
詳細聲明等語並經前督臣卞寶第請將光緒

十五年以後船政扣平銀兩按年均准收入製
船經費作正開銷另冊報部備核如將來關款
稍充六成洋稅全年解足則扣平銀數仍應存
儲候撥

奏明在案現在關餉奇紺船政四成項下本年截
至九月止只撥七萬兩六成則全未批解所有

十七十八十九等三年支用各款應扣四分平
餘銀一萬五千九百八十四兩一錢九分三毫
合無仰懇

天恩照案准作二十一年分收款俾充製船經費之
用除咨戶部外理合附片具陳伏乞

聖鑒謹

奏

同日拜發奉

旨戶部知道欽此

閩廠續造福安鐵壳船安上龍骨弁派各省輪
船修改工程片

再閩省船廠新造建靖一船工漸就繕淮直隸
督臣王文韶咨稱北洋添設練船擬備料價銀
兩向船政調取一俟工竣卽由天津派員管駕
北駛福靖兵船經署兩江督臣張之洞調赴旅
順差遣伏波一船淮兩廣督臣譚鍾麟調粵巡
洋均已分飭前往查閩船現祇琛航飛捷兩船
較大疊次送散勇赴鄂滬廈各處亦復奉公絡
繹若再有徵調誠恐不敷差派當飭總辦船政


局道員楊正儀將陸續抽辦之七百五十四馬力輪機接連配成鐵壳取名福安於十月十六日安上龍骨核實估計除礮械外全船船身機器價值約銀二十萬兩之譜除咨戶工二部立案外理合附片具陳伏乞

聖鑒再查各廠工程靖遠練船鍋爐已壞應予製換元凱兵船前准部咨交廠折卸另裝茲自浙江駛回勘明船底滲漏機件亦有損傷卽令局員核實估價擇要興修合併陳明謹

奏

光緒二十一年十二月十八日拜發奉

旨該部知道欽此



覆陳船政實在情形摺

奏爲查明船政實在情形恭摺覆陳仰祈

聖鑒事竊臣承准軍機大臣字寄光緒二十一年十

一月初八日奉

上諭昨據御史陳璧奏請派大員查明福建船政實在情形本日據戶部奏船政事宜可否仍循舊章特派大臣總理各摺片福建船政局興辦已久近年來製造日稀雖撥款較少總難免濫支濫用情形弊邊寶泉到任後業經飭令兼管所有一切情形有無弊端著邊寶泉確切查明據實具奏應如何

整頓辦理聽候諭旨戶部片陳璧摺均著鈔給閱
看將此諭令知之欽此遵查船政在事員紳經調
任督臣譚鍾麟力加裁汰臣抵任後復歸併刪
節所有一切浮費實已較前大減惟撥款漸少
製造日稀而廠所多至二十餘處未免人浮於
事此卽該御史原奏所稱經費絀則愈見虛糜
者也竊以船政之設經營垂三十年糜帑至千
百萬綱舉目張規模畢具祇以財力短絀因陋
就簡積習日深若不及時整頓設法擴充則墮
棄前功殊屬可惜臣謹就管見所及爲我

皇上縷晰陳之一造船宜講求實際也泰西製造各有專門雷快甲船日新月異閩廠所製如琛航
靖遠等船以之運糧載勇巡洋緝盜頗爲得力
惟馬力旣微行駛較緩不能與商船爭一日之
長船政本爲海防而設若所造之船無事但借
以轉輸有事難任以衝擊徒糜巨款無裨實用
轉不如停撤之爲愈矣應添置機器募精於工
作之洋員督率在事員匠認真講求改造新式
巨艦務使堅固迅捷成一船卽得一船之用庶
不致有名無實一物料宜內地採辦也廠中製

船一切需用料件均係購諸外洋紋銀易鎊經手分肥運腳包險費用浮濫名爲造船實與買船無異查船工以煤鐵爲先閩省礦務現已遵旨委查一經興辦當可就地取資至於鍊鋼鎔鐵大小機器必須潛心考究依法仿造自成機杼不常仰給於人則權自我操而財不外溢矣一學生宜認真造就也講求西學乃製造之權輿從前學生出洋期限太蹙粗涉門庭未窺堂奧一經回華便訥成材監製各船不過按圖湊集初無心得查選派出洋需費較巨不特入多年久

財力未逮且遠在異域賢否工拙稽察亦苦難周不若延致洋教習數人在廠督課凡天文算學工程駕駛及一切技藝分門講習按時甄別攷其優劣而賞罰隨之庶幾人知奮勉所業日進程功速而省費亦多一經費宜通籌的款也船政經費向由閩海關洋稅每年撥銀六十萬兩按月分解數年前不過解至二三十萬近則並不及三十萬閩地瘠苦無可再籌每造一艘左支右絀查內地船廠祇此一處沿江沿海各省輪船在所必需與其展轉藉手而購之外洋

何如通力合作而造諸內地且卽以購船之費分年撥解陸續興造在各省旣化總爲散可以舉重若輕在船政則積少成多足以通功易事但能剔除糜費涓滴歸公不過數年當有成效以上四條粗陳梗概至於匠役之巧拙工作之勤惰料件之良窳支銷之盈縮以及委紳丁役如何減裁廠所學堂如何歸併必須事事攷求時時稽察任專日久辦理方有把握總督事繁不能兼顧委員總辦權勢較輕非有專管大員駐工督率破除情面不足以振全局而擴前功

應請如戶部原奏

簡派廉幹精核之大員來閩接辦並將撥款造船各事宜

飭下戶部暨南北洋大臣會籌妥議請

旨遵行臣愚昧之見是否有當謹據實覆陳伏乞

皇上聖鑒訓示謹

奏

光緒二十二年三月二十九日拜發奉

旨該衙門議奏欽此

船鷗告成報銷立案並請獎敘摺

奏爲閩廠船鷗告成分別報銷立案並懇將在事各員擇尤保獎以示鼓勵恭摺仰祈

聖鑒事竊查船鷗係光緒十三年間前大臣裴蔭森奏請開辦約計經費銀三十餘萬兩旋因製船項下無款勻撥暫飭停止十六年二月前督臣下

寶第重議開工截至是年底止已用銀一十萬七千有奇當咨海軍衙門撥借十萬兩並敘明兩年工竣須湊銀二十二萬三年工竣須湊銀二十三萬合計裴蔭森原咨已估未辦之鐵水